

DISSERTATIO IVRIS
DE
IVSTITIA TRANSACTIONIS
TESTAMENTI NONDVM INSPECTIS
TABVLIS OB SVBLATAM VICESIMAM
HEREDITATVM

QVAM
ILLVSTRIS ICTORVM ORDINIS
INDVLTV

P R A E S E S
D. CAROLVS FRIDERICVS
SCHVBERT

AD D. SEPT. CIO IO CC XXXXVIII
PVBLICO ERVDITORVM EXAMINI
SVBMITTIT

RESPONDENTE
GOTTLIEB SOENLEIN
GVELPHERBYTANO.

HELMSTADII
LITTERIS PAULI DIETERICI SCHNORR
ACAD. TYPOGR.





UNIVERSITY OF TORONTO
LIBRARY

REVERENDISSIMO ATQVE PERILLVSTRI
DOMINO
AVGVSTO ADOLPHO
DE CRAMM

DYNASTAE IN VOLCKERSHEIM,
OELPER, IERZE, BOCKENEM,

SERENISSIMO ATQVE CELSISSIMO BRVNOVICENSIVM AC
LVNEBVRGENSIUM DVCI A SANCTIORIBVS CONSILIIS, PRIN-
CIPATVS BLANCKENBVRGENSIS PRAESIDI, CATHEDRALIS
ECCLESIAE IMMEDIATAE, QVAE GOSLARIAE VIGET, DECANO,
STATVVM ORDINIS EQVESTRIS DVCATVS BRVNOVICENSIS
ET EPISCOPATVS HILDESIENSIS AD COMITIA DELEGATO,
PVBLICORVM AERARII REDITVVM CONSILIARIO, DVCATVS
BRVNOVICENSIS GVELPHERBYTANAE PORTIONIS HEREDI-
TARIO CAMERARIO AC PINCERNAE, ORDINIS
S. ALEXANDRI NEWSKY EQVITI,
RELIQVA.

RERVM ET SALVTIS PVBLICAE CVRATORI
SAPIENTISSIMO
BONARVM ARTIVM PROMOTORI
OPTVMO
MAECENATI AC DOMINO
OMNI RELIGIONIS OBSERVANTIA
VENERANDO
HASCE PAGINAS
IN
SANCTAE PIETATIS
MONVMENTVM
CVM
ARDENTISSIMO
PERPETVAE ET SVMMAE FELICITATIS
VOTO
SACRAS ATQVE DICATAS
ESSE CVPIIT
TANTI NOMINIS

LONGE OBSERVANTISSIMVS CVLTOR ET CLIENS
PRAESES
CAROLVS FRIDERICVS SCHVBERT
A. V. D.



§. I.



litium nimias esse ambages iam olim, *Trans-*
 vt et hodie, conquesti fuerunt *liti actionis*,
 cordatiores. Optimum tamen, quo *utilitas*
 hominum discordiae sopiri queant, *definitio,*
 remedium dari per transactionem, *diviso &*
 vix quispiam negabit, *natura.*
 enim agitur, si

omne futurum

Despicitur, suadentque breuem praesentia fructum.

Hinc laudandum esse transigentium institutum existimavit *Ulpianus* in *l. 4. §. 1. D. de alien. iud. iur. caus.* cui suffragatur *Papinianus* in *l. ult. D. famil. ercisc.* Definiunt autem transactionem *per rei dubiae non gratis factam decisionem, l. 1. D. de transact.* Variis eam iniri posse modis, docuit *Heineccius* in *elem. iur. ciu. sec. ord. pand. P. I. §. 375.* * vbi deinde *§. sq.* eiusdem diuisionem in generalem et specialem sistit. Haec dicitur, quae specialem quamdam dirimit litem, illa vocatur, quando de omnibus controversiis transigimus, sub qua vero ignorata comprehendi non posse cum *Heineccio ad l. arbitramur.* Transactio enim est pactum, hoc requirit consensum, in ignorata autem nemo praesumitur consensuisse,

l. 5. D. de transact. ad stipulatur nobis OVIDIVS de arte amandi L. III. vbi dicit:

Quod latet ignotum est, ignoti nulla cupido.

Nec obstat *l. 29. C. de transact.* haec namque casum continet, quo alter controuersiam non ignorans transegerat, nunc vero noua reperiens instrumenta datae per transactionem fidei stare non volebat. Fluit itaque ex transactionis definitione, eam fieri: *α) de re dubia, β) non gratis, γ) ut lis inde sepeliatur.*

§. II.

*Effectus
transacti-
onis.*

Ἐπεὶ πρῶτον huc faciamus, et quid ex primo atque secundo consequi possimus, connexionis gratia deinde dabimus, tertium ergo quid nos doceat, prius considerabimus. Patebit vero ex tertio: transactionem eadem cum re iudicata pollere auctoritate, *l. 20. C. de transact. l. 31. D. de iureiur. HARMENOP. L. I. t. 10.* nam vocatur in *basilicis* FABROTTI *L. XV. c. 10. διαλυσις*, in IUSTINIANO *Φιλκή συμβιβασίς*, in codice LL. *Articarium* SAM. PETITI *L. III. t. 4. ἀπάλλαξις*. Hinc transactio frustra impugnabitur ob laesionem enormem, *l. 10. §. 23. C. de transact. synops. Basilic. L. XI. t. 2. c. 24. HARMENOP. L. I. t. 10. §. 10.* ad transactionem enim requiritur res incerta et pretium, hoc adest, etiamsi sit modicum, si tamen alterius dolo elicitum fuit transactio, valoris censenda erit nullius, *l. 5. C. de dolo malo, l. 19. C. de transaction.* Nec rescindenda erit transactio ob nouiter reperta instrumenta, *l. 78. §. ult. D. ad Scitum Trebell.* nisi vel haec documenta alterius dolo fuerint subtrahita, *l. 19. C. de transact.* vel causa attingat pupillum, aut alias eiusmodi personas, quas mysticas vocare solent doctores. In proclui quoque est, cur rescindi nequeat per principis rescriptum, *l. 16. C. eod.* Diuinarum pariter inde poterunt remedia, quibus vel actores vel rei, pro modo, quo inierunt transactionem, fruuntur. Actione actor, exceptione reus gaudebunt. Rigidos autem intuitu nudorum pactorum Romanos fuisse constat, ex his enim tantum exceptionem dabant.

bant. Nos ea contra istam subtilem iam dudum reliquimus philosophiam et ex nudis quoque pactis concessimus actionem, non per *c. 1. X. de pactis*, sed ex morum integritate. Germanis enim ea semper ab antiquissimis temporibus fuit laus, ut nihil ipsi existimarint turpius, quam vocis fidem non exhibere, ut quoque *TACITVS annal. L. XIII. c. 94.* de iis dicat: *nullos mortalium armis aut fide ante Germanos esse.* Et cui illud tritissimum: *Ein Wort/ein Mann*; incognitum est? Non negamus quidem, inneniri interdum homines, qui promissis non stant, et de quibus pro dolor! exclamare queamus:

Heic ubi prisca fides?

Sed quem fugit, nigros istius modi homunciones haberi, quos veri cauent Germani?

§. III.

Ex altero inferitur, sub transactione contineri alienatio-^{Quinam} nem, adeoque transigere non posse personas quae nequeant^{possint} pacisci, quare et inuolidam esse merito censemus transactionem^{transige-} procuratoris, nisi vel speciali polleat ad eam mandato,^{re?} *l. Co. D. de procurat.* vel ad vniuersa sit constitutus bona et in utilitatem domini transigat, *l. 17. §. ult. D. de iurciur.* Fluit quoque ex eodem, syndicos aliosque vniuersitatum administratores hac facultate esse destitutos, *l. 12. C. de transact.* pariter ac patrem in bonis filii aduentitiis, nisi transactionem ex iusta causa adhiberoque filii, qui in iusta est aetate, consensu suscipiat, *arg. l. ult. §. 3. C. de bon. quae liber*: Colligi et exinde potest, cur nec data sit haec potestas tutoribus ac curatoribus de rebus eorum, quos sub tutela curauit habere, nisi horum ius vel maxime dubium sit, vel in immobilibus magistratus accedat decretum, *l. 22. C. de adm. tut. l. 54. §. ult. l. 56. §. pen. C. de furtis.* Vassallo autem, qui dicitur, licet tantum iure dominio proximo, quod vile appellare solent doctores, gaudeat, non denegatur transigendi facultas, modo bonam adhibeat fidem, *2. F. 26. §. Si vassallus de beneficio, 2. F. 43.*

§. IIII.

§. IIII.

*Obiectum
transacti-
onis.*

Ex primo oppido patet transactionis naturam respuere rem certam atque indubitatam, non vero imminens litis metum, *l. 2. C. de transact.* hinc PAVLLVS in *l. 229. D. de V. S. transacta finitave*, inquit, *intelligere debemus non solum, quibus controuersia fuit, sed etiam quae sine controuersia sunt pos- sessa.* Innuit nempe I C T V S; transactionem non de re controuersa tantum, sed de iis etiam, quae in dubium adhuc non vocantur, in controuersiam tamen deduci queant, recte posse iniri. Prono inde quasi fluit aluco, olim non inualidam fuisse transactionem de futuris alimentis, propter aerarii ve- ro utilitatem, ut infra §. II. demonstrabimus, Marcum Anto- ninum, qui sub philosophi nomine notus est, commotum fuisse, ut, dum teste I V L I O CAPITOLINO in eius vi- ta c. 11. de alimentis publicis multa prudenter inuenit; et postea transactionem de futuris alimentis prohibuerit, nisi causae praecesserit cognitio praetorisque auctoritas fuerit sub- sequuta, *l. 8. pr. D. de transact.* licet huius prohibitionis ra- tionem reddiderit aequitatem, quia ista transactio insigni cum reipublicae damno sit coniuncta. Ob verum tamen commu- nis utilitatis detrimentum illicita fuit transactio de delictis, ubi vero Romani distinguebant, inter priuata et publica, quo- rum differentiam ab extraordinariis criminibus egregie sistit I O. G E. GRAEVIUS in thes. antiquit. Rom. T. II. praefat. Priuata quod attinebat, non quidem effectus transactionis de- negabatur, *l. 54. §. ult. D. de furtis, l. 17. §. 1. D. de pactis*, reum tamen veluti confessum conuictumque infamia adficie- bant, *l. 4. §. ult. l. 5. & l. 6. §. 3. D. de his qui not. infam.* Circa publica autem iterum distinctionem admittebant Roma- ni inter ea, quae capitis poenam reis inferebant, et ea, quae non capitalia nominare soleamus. Horum inualidam pronun- tiabant transactionem, *l. 18. C. de transact.* quin immo trans- igens spectabatur puniebaturque ut *πρόδοτος τῆς ιδίας υποδέ- γεως*, hoc est, ut prauaricator, *l. ult. D. de prauaric.* De illis

illis vero transigi concedebant, l. 18. C. de transact. nam ignoscendum censuerunt ei, qui sanguinem suum qualiter qualiter redemptum voluit; l. 1. D. de bon. eor. qui ante sentent. Exceptum tamen fuit adulterium, l. 18. C. de transact. quae exceptio doctoribus litis ansam praebuit grauioris. Alii enim iudicarunt, quia adulterium mortis poena non fuerit punitum, quos tamen alibi iam refutauimus. Alii cum GER. NOODT in *Dioclet. et Maxim. c. 20.* et HEINECCIO *adl. l. §. 382.** existimarunt, quoniam transigens se lenocinii reddiderit reum. Alii, nescio quana, sibi ipsis finxerunt rationem et dum vitia vitauerunt in contraria cucurrerunt. Nos quod attinet, si cui-dam accedere deberemus coniectura, HEINECCIO et NOODT adstipularemur. Tantum tamen absit, vt iudices eorum esse vellemus, qui in alia abeant, vt potius, cum suum cuique sit velle, nec vno homines viuere solcant voto, et in hoc passu cuiuslibet sentiendi libertatem relinqueremus vt eligere queat opinionem, de qua tritum illud: tu mihi sola places; dicere possit.

§. V.

Ad rem ergo deueniamus, aliamque attingamus commentatorum litrem, quam sepe litem vt queamus, operam nauabimus. Sistit nempe se quaestio: vtum transactio de controuersis ex vltimis voluntatibus descendens, nondum inspectis tabulis testamenti valide queat iniri? In diuersa pro more saeculi huc abiit Icti. Nam eruditorum hominum istud insanabile malum ac vitium est, vt si statim ipsis plana aperta-
Virum transactio de controuersis testamenti nondum inspectis tabulis
 bus legum verba non fiant, in evertendis ac immutandis illis plus desudent, quam in earum interiore sensu perscrutando; cita sit, sunt verba IAC. CONSTANTINAEI subtil. enodat. L. I c. 9. in OTTONIS thes. iur. Rom. T. III. p. 496. Plurimi doctorum *Variae doctorum opiniones circa hanc quaestio-*
 illicitam atque inualidam pronuntiarunt eius modi transactio- nem, propter l. 6. D. de transact. et l. 1. §. 1. D. testam. quem adm. aper. Alii vero, vt PAGENSTECHER sicilim. man. III. p. 60. et admonit. ad pand. P. I. §. 161. p. 100. ANTON. SCHVL-
nem. Di-

*stinguitur
inter ius
antiquum
et nouum.*

TING. in *diff. de transact. super controu. quae ex ult. voluntat. proficisc. etiam non insp. vel cognit. illar. verb. recte incund. contrariam amplexi sunt opinionem et putarunt, nullam adesse rationem, cur infirma huiusmodi declaretur transactio; quippe cum l. 12. D. de transact. et l. ult. C. de reb. credit. eam manifeste adprobent, GAII vero mens in l. 6. D. de transact. et in l. 1. §. 1. D. testam. quemadm. aper. non ut prohibitio, sed consilii instar debeat spectari. Et quem ad modum*

saepe observatio creuit

Ex vno quondam male erepta, deinde sequutis

Tradita temporibus, serisque nepotibus aucta.

ita quoque horum sententiam adriperunt GER. NOODT de *paëtis et transact. c. 18.* NIC. HIERON. GUNDLING in *diff. de transact. testam. tabul. non insp.* HEINECCIUS d. l. §. 379. * et decus *Vitembergensis academiae Illustris* CHRIST. LVDOV. CRELL in *diff. quando eff. de testam. non inspect. tab. transig.* Ast pace tantorum virorum, hanc eorum sententiam subtilem nimis reputamus philosophiam et censemus illam ingenii acumen magis prodere, quam rei veritatem demonstrare. Quod si GAII mentem in *adlegatis legibus* adcuratius considerassent, inuenire sane potuissent, non enunciationem, sed dispositionem in *iisdem* contineri, I C T V M non de facto, sed de iure loqui. Media ergo nobis liceat incedere via, probeamus, illiusmodi transactionem olim illicitam fuisse, hodie vero validam omnino esse censendam. Ingenue fatemur, nos non posse Bartoli aut Baldi vel alius grauioris viri auctoritate decernere, hac tamen destituti, rationibus ut demonstrare queamus, annitamur.

§. VI.

*Ratio da-
tur, cur in
hac quae-
sione tan-
topere dis-
sentiant
doctores.*

Illicitam transactionem de controuersiis testamenti nondum inspectis eiusdem tabulis quondam fuisse adseruimus, hodie tamen valorem ipsi non denegari, diximus. Duo itaque erunt probanda, quorum autem vno demonstrato alterum eo facilius erit colligendum. Valde miramur, neminem ad-

huc

huc fuisse, qui veram huius rei reddiderit rationem. Sed fieri hoc solet, vbi homines, qui praeclarissimum ICTi nomen prae se ferunt, ignorant aquas ex ipso fonte bibi dulcius, sed glandibus vesci malunt, et

ut licet illudunt, lacerant impune,

tunc enim non humanos sonos edere queunt, sed picarum ritu conuiciantur, ut hoc modo *fundata legibus ciuitas cuersa legibus videatur*; ut dixit PLINIVS in *panegy. c. 34.* et ut ita pro dolor!

Infelix solium et steriles dominantur auenae.

Discant illi breuissimi iuris candidati, sic enim eos adpellare fas est, quid de ipsis dicat PETR. BYRMANNVS in *orat. de publici humanioris disciplinae professoris proprio officio et munere*, vbi p. m. 41. *An non nugari et alias res agere, inquit, legum illos interpretes constat, qui de commentitia quadam aequitate et iustitia ex academiae vel porticus placitis disceptare palmarium putant, quum vnica iuris Romani interpretandi recta sit via indagare et exponere quae iura reipublicae celeberrimae et imperii conditores ciuibz suis praescripserint, quid pro ingenio populi et temporum ratione, legibus, senatusconsultis, magistratum edictis et imperatorum decretis fuerit constitutum?* Sciant isti contractae iurisprudentiae doctores, quomodo ipsos depingat Vir Amplissimus IO. BENED. CARPZOV in *orat. de damno quod parit philosophia absque litteris humanioribus et arte critica*, quando: *Hinc igitur dicite, ait, maiorem utilitatem scientiae optimae praebuerint, an ingens damnum excitarint, spinae ac salebrae caussidicorum, qui Lapporum et Finnorum lingua, Gothico atque Longobardico sermone in famelicis suis et nauscabundis libellis iuridicis, Stoice, id est, incomite et infecte, philosophantur, libidineque mentis atque impudentia correpti, logicae furcilla vnica et tenuissima vsi in potestatem legislatoriam inuadunt, mentemque legis praetergrediendo, ita versantur interpretatione, ut noua magis statuta stupiditati familiae suae coquere, quam veterem legem et bonam explicare, videantur.*

tur, qui se vasto iuris oceano nunquam ita committunt, ut Romanis ac Byzantiis antiquitatibus, historiisue subactum peccus gererent, aut Latini et Graeci sermonis munditiam adsequuti essent, gustumque haberent rerum criticarum: Sed ex academica cauea anno secundo vel tertio euolantes, iuris breuissimi doctores, nihil praeter inanem ex aliquo iure, quod illi naturae vocant, latratum, nihil, praeter garrulitatem ex dialectico compendiolo in forum protrudunt, qua principum ac senatum decreta torquent, prudentum autem responsa philosophiae intempestivae opera eludere, iisque importune ogganire, grandes Apollines, capitales Procleiani conantur. Nos istis homuncionibus, qui egregiam antiquitatum et artis criticae scientiam spernunt, neuiquam adfociare volumus, cum nos haud fugiat illud poëtae:

O! imitatorum stultum pecus!

Meliora edocti sumus, nihil nobis magis curae est cordique, quam ut vera a falsis fcernantur, ut nulla ἀναπόδεικτα καὶ ἀνευ λόγων proferantur, sed vera semper cuiusvis rei eruatur ratio, nihil ICTO indignius existimantes, quam defendere se illo ignorantiae praesidio in l. 20. D. de legib. Abeant alii cum Pythagora, qui teste IAMBlichO in vita Pythagorae Segm. LXXXVIII. auditoribus persuadebat: Οὐδὲν ἦττον ὠφελεῖσθαι, καὶ ἀντὶ τῆς αἰτίας εἰδώς, ἢ δὲ πράττειν, ὥσπερ καὶ οἱ ἰατρούμενοι, ἢ προσαχόντες, διὰ τὴν αὐτοῖς ἐκαστον πρακτέον, καὶ ἔν ἦττον τυγχάνειν τῆς ὑγείας. Eos nihilo minus etiam sine rationibus fructum inde percepturos esse, si scirent quid agendum sit, proinde ac ii, qui in medendi cura sunt, licet non edoceantur, ob quam causam, quidque agendum sit, valetudinem tamen recuperent. Iurent ceteri: modi homines in verba magistrorum; tueantur se isthoc servili: αὐτοὶς εἶδαι; fabulentur plittacorum more, prodeant ridiculo illo et stulto:

Narrauere patres et nos narrauimus ipsi.

Didicimus a MARONE, quid ad scientiam requiratur, dum Georg. L. II. v. 190. dicit:

Quid

Felix qui potuit rerum cognoscere causas.

Quid autem in cognitione iuris maiorem adferre poterit vilitatem, quam studium antiquitatum? Quid nos accuratius rerum origines ac progressus edocebit quam doctrina antiquitatum? *Vana est sine antiquitatum cognitione, iuris scientiae iactatio. Neque vlla pars iurisprudentiae carere his fontibus potest; sunt verba praeceptoris olim, nunc patroni, cui tantum debemus, quantum homo homini debere potest, Illustris GODOFR. IUDOV. MENCKEN in eruditissimo programme, quo merum imperium iurisdictionem non esse demonstrat. Optime quoque dicit PETR. PITHOEVS ad collat. leg. Mosaic. et Roman. t. 16. §. 2. Antiquitatis cognitio iuris studioso non utilis modo, sed etiam necessaria est, nec frustra veteres Consulti, quantum in ipsis fuit, nihil eius penitus nos ignorare voluerunt. Est enim illud de omni cognitione Aristotelis: καθόλου εἰς τὰ ἀρχαῖα τὰ πράγματα φερόμενα βλέπειν, ὥσπερ ἐν τοῖς ἄλλοις, καὶ ἐν ταῖς καλλίαις ἀνέω θεωρεῖσθαι.* Inde illi, qui egregiam antiquitatum scientiam contemnunt, prauo tantum philosophandi et cerebrinam quamdam aequitatem propugnandi pruritu ducti, quod vitium heu! nimis his diebus inter ICtos grassatur, cognoscant, quid deceat eum, qui cupidus est verum ICTi nomen adsequendi. Vtile quidem est philosophiae studium, quin immo ad iurisprudentiam maxime necessarium, coniungi tamen a iuris studioso debet cum sedula antiquitatum perscrutatione. Neutrum deesse oportet. Alterum absque altero erit in iurisprudentia non perfectum. Sine philosophia χεῖστες γαλκείων, ἱκατόμβεια ἐννεαβείων permutantur, centones dantur et docta miscetur confusio. Sine antiquitatibus et critica arte frustra saepius quaeritur ratio, vt facilius aqua et igni carere queamus quam his scientiis. Bene sane quondam dixit DEMOSTHENES *aduers. Timocrat.* considerandum esse: *Τὸ οἷς κείται ὁ νόμος ἕτος? Cur lata sit ex ea?* recte putauit CICERO *orat. pro Caecinna c. 18.* rationem legis ante omnia esse attendendam. In veram ergo huius transactionis olim prohibita rationem inquiramus.

§. VII.

*Ratio sup-
peditatur,
cur olim
haec
transa-
ctio fuerit
prohibita.*

Ratio et causa, cur Romani transactionem istam inuali-
dam pronuntiarent, erat notissimum illud vectigal, vicesima
scilicet hereditatum, quae, si transactio de testamento non-
dum inspectis vel cognitis eiusdem tabulis licita fuisset, non
solum nunquam certa fieri, sed et variis modis defraudari po-
tuisset. Hinc hominum malitiae erat obex ponendus, hinc
illa transactio plane prohiberi debebat. Ut autem eo melius
de hoc vectigali constet, pauca de origine, natura, progressu
et abrogatione vicesimae hereditatum praemonenda esse, iu-
dicamus. Latissimum quidem hac in re inueniemus antiqui-
tatum campum, multis tamen tenebris obuolutum et viam spi-
nis ac latebris impletam. Faciamus vero periculum, quid hu-
meri valeant, vere persuasi neminem nobis in peiorem inter-
pretaturum esse partem, si antiquitatibus utamur. Illos autem
qui meliora sciunt, deteriora tamen sequuntur, alto supercilio
et excelsa mentis ab arce despiciemus et ipsis occlamabimus
illo HORATII:

Odi profanum vulgus et arceo!

§. VIII.

*Origo vi-
cesimae
heredita-
tum.*

Originem accipiebat hoc vectigal sub Augusto pruden-
tissimo Romanorum principe, qui teste PETR. BURMANNO
de vectigalibus populi Romani c. II. A. V. C. 1566 XVIII. legem
dabat, ex qua illud solui debebat. Adparet hoc satis ex DIO-
NE CASSIO L. LV. ubi dicit: Τὴν εἰκοστὴν τῶν τε κλήρων, καὶ τῶν
δορεῶν, ἃς αὖ οἱ τελευτῶντες τιτὶ, πλὴν τῶν πάνυ συγγενῶν ἢ καὶ πε-
νητῶν, καταλείπτωσι, κατεστήσατο. *Vicesimam et hereditatum et do-
nationum, quas morientes quibusdam, exceptis proximis agna-
tis et pauperibus, relinquebant, constituebat.* Aerarii locuple-
tandi causa eam instituebat imperator. Quem enim ad mo-
dum callidus maxime erat princeps, ita et in hoc egregium e-
debat prudentiae specimen, vectigal nempe non modicum so-
lum, sed ita quoque comparatum ordinabat, ut nemo de illo
con-

conquerendi occasionem haberet, dum de nec opinato lucro quisque facile isthoc soluere poterat, quia ea hominum esse solet natura, vt nunquam sint liberaliores, quam si commodo, quod haud sperarunt, adficiantur. Maximum vero insimul aerario accedebat emolumentum, quoniam tot Romae condebantur testamenta. Quem enim fugit, quamdam felicitatem a Quiritibus quaesitam esse supremam, si potuerint beneficia sibi nihil profutura diuidere et vltimam voluntatem iusto declarare modo, ac certo sibi persuadere eorum stilum indubitato exitu esse gauisurum? Hinc nec quidquam cura componebant sanctiore, quam quod ad eos non pertinebat, *SENeca de benefic. L. III. c. II.* Hinc et dicit *QUINCTILIANVS declamat. CCCVIII. neque enim aliud videtur solatium mortis, quam voluntas ultra mortem.* Haec ergo Augustus pro ea qua pollebat sapientia perspiciens populi Romani circulos non modo non turbabat, sed moribus etiam eiusdem indulgebat, et precibus Lentuli consilioque Trebatii et caeterorum ICtorum, valorem dabat codicillis, *pr. I. de codicill. et fideicommissis, §. 1. I. de fidecommis.* hac enim ratione, simul aerario prospiciebat, imperatoris vero calliditatem nihilo minus magna intuebantur veneratione et principis singularem plane clementiam laudibus extollebant Quirites.

§. VIII.

Egregium inde capiant exemplum qui superiorum iussu vestigalia ordinare debent, eius tamen modi, vt subiectis neque graua sint nec molesta Bene, sapienter et laudabiliter omnia instituerat Augustus, digna res erat maiestate. Nam non pauperes modo, sed proximos agnatos etiam immunes pronuntiarat a vicesimae solutione, vt patet ex *DIONE l. adl. veris: πολλοὶ τῶν πᾶν συγγενῶν, ἢ καὶ πενητῶν; praeter pauperes et proximos agnatos.* Quum enim ex *LL. XII. Tabb.* sui tantum et his de ficientibus consanguinei succederent, recte omnino hoc eximebat imperator, quia maiori onere alias fuissent grauari, si ex testamento successissent, quam si ab intestato ad illos delata fu-

Quaenam personae a vicesimae solutione fuerint exceptae?

ta fuisset hereditas. Alia quoque aderat ratio, ob quam aequum videbatur Augusto, immunes ab hoc vectigali eius modi personas iudicare. Proximi nempe agnati cum hereditate finituli accipiebant sacra domestica, de quibus legi merentur CICERO *de legib. L. II. VALER. MAXIMVS L. VII. c. 7. AMBROSIVS de fide ad Gratianum L. III. c. 4. l. 31. C. de fideicommiss. l. 13. C. de legitim. hered.* Haec sacra maximis cum sumtibus erant coniuncta, hinc PLINIVS in *panegyr. c. 37.* Manifestum erat, ait, quanto cum dolore laturi, seu potius non laturi homines essent, destitui aliquid et abradi bonis, quae sanguine, gentilitate, sacrorum denique societate meruissent, quaeque nunquam ut aliena et speranda, sed ut sua semperque possessa, ac deinceps proximo cuique transmittenda cepissent. Extraneis vero istud vectigal non ita graue esse poterat, quia illis quidquam accidebat in puncto, quod vix in anno sperarent, dum hereditatem praeter spem ac opinionem, quin immo et sine sacris, ut patet ex PLAVTO *capt. A. 4. sc. i. v. 8.* accipiebant. Quare PLINIVS *d. l.* hanc vicissimam vocat tributum tolerabile et facile. Incitabantur et hac ratione homines, ut proximos agnatos in testamento non praeterirent, et sic familiarum splendor conseruaretur.

§. X.

*De quibus
vicissima
solui de-
buerit?*

Auctor ergo huius vectigalis erat Augustus, et hoc, quantum nos quidem non fugit, nemo adhuc negauit, sed in hoc: quando vicissimam instituerit inperator? non omnes conueniunt. ALCIATVS enim *dispunct. L. III. c. 6.* et SCIP. GENTILIS *de iure adreſcendi c. i.* putant inuectam eam fuisse L. Pappia Poppaea, ait LYRMANNVS *l. c.* hoc in dubium vocat et vero esse similis iudicat, vicissimam iam ante hanc legem fuisse ordinatam. Grauior quoque lis intercedit doctores circa quaestionem: utrum hoc vectigal de hereditariis solum, an vero et de legatis, fideicommissis et donationibus, quae mortis causa vocantur, fuerit detractum? Si DIONEM *d. l.* audiamus, verba: τῶν τε κληρῶν καὶ τῶν δωρεῶν; hereditatum

et

et donationem ; innuere videntur de omnibus viceſimam fuiſſe ſolutam. RAIDVINVS vero hoc negans DIONEM imperi-
tiae adcuſat et autumat neque in legatis, nec in fideicommiſ-
ſis, multo minus in donationibus locum ſibi vindicaſſe hoc
tributum. Liceat hac voce vti, eſi non ignoremus, differen-
tiam inter veſtigal et tributum fuiſſe, confer. VARRO de L. L. L.
III. c. 16. PETR. PERRENONIVS animadu. L. II. c. vlt. in EVER.
OTTONIS theſ. iur. Rom. T. I. p. 660. Nos quod attinet iterum
in caſtra BYRMANNI abimus et cum eo arbitramur, vera vti-
que eſſe DIONIS verba, quia, ſi viceſima ſolum in hereditati-
bus fuiſſet detracta, variae committi potuiſſent fraudes, dum
teſtator heredem ita onerare legatis potuiſſet, vt hereditate ſe-
re exhausta et ſuperſtite tantum Falcidia portione, parum ex
viceſima in ſiſcum redierit, vid. BYRMANNVS adl. I. Nihil er-
go certius cenſemus, quam quod hoc veſtigal non de heredi-
tariis ſolum, ſed et de legatis, fideicommiſſis, codicillis, vt
adparet ex l. vlt. C. teſtam. quemadm. aper. et mortis cauſſa do-
nationibus fuerit ſolutum, nam Auguſtum et propterea codi-
cillis et fideicommiſſis valorem dediſſe, ſupra iam §. 8. demon-
ſtrauimus. Firmiter pariter nobis habemus perſuaſum, et in
donationibus, quae inter viuos celebrabantur, illam viceſimam
locum inueniſſe, conſentit etiam hac in re nobiſcum vir dum
viueret πολυμαθὲς τῶν ἀρετῶν ac de maſcula et elegantiori iuriſpru-
dentiā optime meritis B. FRANCISC. CAR. CONRADI in diſſ.
de teſtamento publico quod fit apud aeth. §. 12. probationem vero
coniecturae addidit nullam, hinc videamus, quomodo ſen-
tentiam ſtabilire queamus. Non quidem prouocemus ad DI-
ONEM l. c. licet enim hic dicat : τῶν δωρεῶν, et δωρεῶν generaliter
donum ſignificet, ſubſequentia tamen verba : αὐτῶν δὲ τῶν τελευτῶν-
τες τισὶ πλὴν τῶν πᾶν συγγενῶν ἢ καὶ πενιτῶν καταλείπωσι ; quas
morientes quibusdam exceptis proximis agnatis et pauperibus
relinquebant ; docent DIONI tantum de mortis cauſſa dona-
tionibus ſermonem eſſe. Hinc in hiſ DIONIS verbis praefi-
dium inuenire fruſtra conaremur. Colligere tamen id poſ-
ſumus ex eo, quia alias donationes inter viuos in aerarii frau-

dem fieri potuerunt, deinde quod posteriori aevo huius modi donationes in scriptis componi et actis insinuari debuerunt, et quidem in vrbe coram census magistro, in provinciis apud praesidem provinciae vel defensorem, vel magistratum municipalem, l. 3. et l. 8 C. Theodof. l. 30. et l. 32. C. Iust. de donat. coram quibus et testamenta insinuata fuerunt, l. 23. C. de Testam. et quidem donationes pari modo ac ultimas voluntates insinuatatas fuisse putat CUIACIUS ad Pauli sent. recept. L. III. r. 6. §. 1. quia inmo testimonium huius rei praebet THEODORUS HERMOPOLITES cuius verba haec sunt: Ἀ γνο-
 μένως πράξεις ἐπὶ τῶν διαρῶν ἐν Κονσταντινῳπόλει μὲν παρὰ τῷ μαγί-
 στρῳ τῶν κτίστων ἐν δὲ ταῖς ὑπαρχείαις παρὰ τῷ ἀρχόντι ἢ τῷ ἐκδι-
 κῳ ἢ τῷ στρατηγῷ συνταττέδωσαν. Quae sunt acta super do-
 nationibus Constantinopoli quidem coram magistro censuum, in provinciis vero coram praeside provinciae aut defensore, aut magistratu municipali conscribantur. Et paucis interiectis pergit: Μένοντο δὲ τῆς ἐξημένης ὁμολας διαρῆσεως περὶ ἐμφανεῖας δια-
 θήκων; Memineris autem similem iuris obseruantiam circa tes-
 tamentorum insinuationem. Magistratus enim vrbs et pro-
 vinciarum habebant quosdam ab actis, qui vocabantur scri-
 bae, censuales, librarii, tabelliones, ΕΥΤΗΡΕΙΥS de offic.
 dom. August. L. II. c. 13. hi homines acta et gesta in commen-
 tarios referebant, vt perpetua hoc modo fieret rerum gesta-
 rum memoria, LIPSIVS ad Tacit. annal. L. V. excurs. a. Ne-
 minem quidem praeterit, iam antea ex L. Cincia ad quam o-
 ptime commentatus est BRVMMERVS, donationes certo mo-
 do fuisse ordinatas. Negari tamen non poterit, postea variis
 SCtis huic legi et obrogatum et derogatum fuisse. Adeoque
 ob aerarii commodum donationum insinuationes praecepit
 Constantinus Chlorus, cuius constitutionem postea confirma-
 vit Constantinus, quem Magnum adpellarunt, vt patet ex
 l. 1. C. Theodof. de sponsal. et l. 5. C. Iust. de donation. Et licet
 postea Theodosius et Valentinianus scripturam remiserint,
 insinuationem nihilo minus fieri mandarunt, si donatio du-
 centos aureos exceßerit, l. vlt. C. Theodof. de sponsal. l. 29. C.
 Iustin.

Iustin. de donat. IUSTINIANVS VERO A. C. 529. summam ad trecentos, *l. 34. C. eod.* mox A. C. 531. ad quingentos aureos extendit, *L. pen. §. 3. C. eod.* quod sane propterea fecit, quia, ut infra §. 18. demonstrabimus, vicesima iam ab usu recesserat.

§. IX.

Propter vicesimam ergo requirebatur insinuatio, quae *Uterior* et ipsa caussa fuit, cur actis interuenientibus non opus habu- *demon-*
erint donationes principi. vel a principe factae, vel pro re- *stratio*
demtione captiuorum erogatae, pariter ac illae, quae ad re-
stituendas aedes incendio vel ruina consumptas factae erant,
l. 34. l. 36. §. 1. & 2. C. de donat. cur quoque absque insinuatio-
ne substiterit donatio mobilium rerum militi collata, *l. 36.*
§. 1. C. eod. His enim liberalitatibus vestigialis onus impone-
re iniustum et acuitati repugnare videbatur. Vicesimam et
prohibitae donationis inter virum et uxorem occasionem de-
disse coniucimus. Moneri quidem posset iam ab antiquissimis
iuris Romani temporibus non ratam habitam fuisse istius mo-
di donationem, id quod nec ipsi negamus. Probare tamen
possumus, aliam plane tum adfuisse rationem. Quod si enim
venerandae vetustatis monumenta euoluamus, adparebit, do-
nationem inter virum et uxorem, quae in manum mariti con-
uenerat, inuolidam pronuntiasse Romanos, quia coniux eius
modi ex Romuli lege non particeps solum sacrorum et bo-
norum, DIONYS. HALICARN. *L. II* NOODT *probabil. L.*
II. c. 9. sed in mariti quoque erat potestate, *confer. Vir Ex-*
cellentissimus CHRIST. VLEIC. GRYPEN in *tr. de uxore Ro-*
mana c. 2. §. 1. sqq. Inter eum vero, qui quempiam in pote-
state habebat, et eum qui in potestate huius constitutus erat,
nulla subsistere poterat donatio, *l. 1. §. 1. D. de donat. inter vir.*
et uxorem. vid. laudatus GRYPEN ad l. 1. Quum autem haec ma-
trimonia postea rarius inirentur, donationes etiam inter con-
iuges fieri potuissent, sed tamen eam aegrius permiserunt,
ratione usi, ne hoc modo matrimonia discuterentur, vel amor
venalis redderetur, *l. 1. l. 2. et l. 3. D. de donat. inter vir. et*

uxor. Seuerus vero et Antoninus Caracalla illas donationes plane prohibuerunt, *l. 3. D. eod.* cuius prohibitionis nullam aliam inuenire possumus rationem, quam ne fraudem patretur vectigal. Propter vicesimam et transactionem de futuris alimentis a Marco Antonino, cui ob philosophiae, quam teste IUL. CAPITOL. in eius vita c. 1. maxime amabat, philosophi nomen imponebatur, inualidam declaratam esse, censemus, quoniam alias detrimentum capere aerarium facile potuisset. Diuidendum pariter erit, quare tanto pro seruandis fideicommissis, legatis et codicillis imperatores ducti fuerint fauore, *l. 2. D. si quis omissa caus. testam.*

§. XII.

Quinam
sint pau-
peres?

Alia se sistit quaestio: quinam scilicet per pauperes sint intelligendi? DIO CASSIUS generaliter *adl. l.* dicit τῶν πενήτων; et PLINIUS in *panegy.* c. 40. carebit onere vicesimae, ait, parua et exilis hereditas; et paullo post: *Ea lex vicesimae dicta est*, inquit, ut ad periculum eius perueniri nisi opibus non possit. Probe iterum coniciere videtur BURMANNUS d. l. intelligendos esse per pauperes, qui per relicta in his summam centum aureorum maiorem non acceperint, et vere hoc colligitur ex *l. 23. C. de testam.* vbi IUSTINUS dicit, consulta diualia prospexisse, ne, qui censum administrarent, aliquid mercedis aut sumtum ex hereditate exigant, quae pretium centum aureorum non excedat. Obiici nobis posset *l. 10. D. de accus. et inscript.* in qua lege expresse loquitur HERMOGENIANUS, pauperes esse, qui minus quam quinquaginta aureos habent; quae eadem sunt verba habet HARMENOPVL. *epit. l. l. t. 9.* vbi dicit: Πενὴς δὲ ἐστὶν ὁ μὴ ἔχων πενήκοντα; Sed statim adparebit, hanc pauperum descriptionem ad illum Romanorum modum pertinuisse vbi scilicet iste, qui crimen sollempniter ad iudicem deferbat, subscribere debebat in crimen se nimirum ad supplicii similitudinem obstrictum esse velle, nisi probarit veritatem, et insimul cauebat se persecuturum in crimine vsque ad sententiam, *l. 7. pr. l. ult. C.*

de

de adcfat. et infcript. cuius fubfcriptionis formulam habet
BRISSONIVS *de formulis* L. V. et legi de eadem meretur
PETR. PERRENONIVS l. c. c. 10. Ad hanc ergo adcu-
fationem nemo admittebatur, qui minus quinquaginta aure-
orum in opibus habebat, nam graui cum periculo illa dela-
tio erat coniuncta, vt docuit CICERO *orat. pro Sexto Roscio*
Amerino c. 20. maxime quando adcfantes paupertate labo-
rabant, fiquidem

Magnum pauperies opprobrium, iubet

Quiduis et facere et pati,

Virtutisque viam deferit arduae.

HORATIVVS *carmin.* L. III. *od.* 24. v. 42 *fqq.* Hinc d. l. 10. D.
de adcf. et infcript. noftrae coniecturae non obftabit, fir-
miter potius nobis habebimus perfuafum, pauperem ex-
iftimandum effe, qui pro rei, de qua agitur, qualitate non
habet, haec vero qualitas in l. 23. C. *de teflam.* definitur.

§. XIII.

Ad fata quae fufinuñt vicefima nunc erit deueniendum. *Progres-*
Nero quidem *teftibus* SVETONIO *in eius vita* c. 10. et TACITO *fur vicefi-*
annal. L. XIII. c. 50 *fq.* quaedam vectigalia minuebat et ab- *māo ſub*
rogabat, ea tamen Neronis facta non attinebant vicefimam, *imperato-*
fed portoria, de quibus legi poſſunt IVL. CAESAR *in bello* *ribus, Ne-*
Gall. L. III. SVETONIVS *in vita Iulii* c. 43. et BURMAN- *rone, Ner-*
NVS l. adl. c. 5. de his enim quadrageſima dabatur, *confer.* *ua, Tra-*
CASAVRONVS *in Suetonii Galbam* c. 15. haec tributa inuiſa *iano.*
maxime erant Romanis, vt patet ex CICERONE *de officiis*
L. I. c. 42. hinc ea imminui et aboleri volebat Nero, inſimul-
que coërceri friuolam publicanorum avaritiam nefandamque
eorum rapinam, de quibus videri merentur, quae habent
GRONOVIVS *in Taciti cit. loc.* et SCHVRTZFLEISCH *de*
ordine publicanorum th. 13. Recte enim dicit de publicanis
SVIDAS Πειραιηναμίην βία, ανεπιμητος ἀπαγή, ανεσχίματος
πλεονεξία, παραγκτεία λόγον μη ἔχουσα, ἀναίδης ἐμπορία; *confer.*

MARCV. FREHERI *verosimil. L. II. c. 19. in OTTONIS thes. iur. Rom. T. I. p. 931. sq.* Et licet quoque Vespasianus, ut refert SVETONIUS in eius *vita c. 6.* omillis sub Galba vestigalibus noua et grauias adderet, nec tamen haec vicepsimam attigisse iudicat BURMANNVS *c. l. c. 11.* Sub Nerua vero hoc vestigal quamdam passum est mutationem, de hoc enim imperatore dicit PLINIUS *adl. l. c. 37.* Igitur pater tuus sanxit, ut quod ex matris ad liberos, ex liberorum bonis peruenisset ad matrem, etiamsi cognationum iura non recepissent, quum ciuitatem adipiscerentur, eius vicepsimam non darent. Eandem et immunitatem in paternis bonis filio tribuit, si modo reductus esset in patris potestatem. Rationem huius exceptionis reddit IDEM ubi pergit: Ratus, improbe et insolenter ac paene impie his nominibus inferi publicanum; nec sine piaculo quodam sanctissimas necessitudines velut intercedente vicepsima scindi, nullum esse tanti vestigal quod liberos ac parentes faceret extraneos. Haec ergo Nerua intuitu vicepsimae suscipiebat. Vltcrius progrediebatur Traianus, imperator optimus, nam teste IO. SALISBERIENSI in *policratico L. V. c. 8.* Nulli grauis, carus omnibus, adeo ut usque ad nostram aetatem, in senatu, non aliter principibus adclamaretur: Felicior Augusto, melior sis Traiano. Hic ergo Traianus patrem et filios in hereditate parentum aut liberorum eximebat ab onere vicepsimae, nam PLINIUS *adl. l. c. 38.* Statim ergo muneri eius, inquit, liberalitas tua adstruxit, ut quemadmodum in patris filius, sic in hereditate filii pater esset immunis, nec eodem momento quo pater esse desuisset, hoc quoque amitteres quod fuisset. Et paucis interiectis rationem suppeditat verbis: cur enim posteris amplior bonor, quam maioribus haberetur, curue non retro quoque recurreret aequitas eadem? Et quum sub Nerua requireretur, ut filius adhuc in potestate parentis fuerit, hoc etiam abrogabat Traianus ut testatur IDEM *d. l.* Nam: tu quidem, Caesar, ait, illam exceptionem remouisti; si modo filius in potestate patris fuisset, intuitus, opinor, vim legemque naturae, quae semper in ditione parentum esse liberos iussit, nec vii

nec vii inter pecudes, sic inter homines potestatem et imperium valentioribus dedit. Haec imperator non intuitu parentum solum et filiorum in primo gradu constituerat, sed quod adscendentes quoque et descendentes in secundo gradu pariter ac collaterales, ut dicimus, atinebat, liberalitatem et munificentiam imperatoriam demonstrabat, hoc enim docet PLINIVS c. l. c. 39. vbi: *Nec vero contentus, inquit, primum cognationis gradum abstulisse vicesimae, secundum quoque exemit, cauitque, ut in sororis bonis frater, et contra, in fratris soror, utque avus, avia in neptis nepotisque et inuicem illi seruarietur immunes.* Et hoc privilegio novos ciues quoque aeque ut veteres ornabat, nam pergit PLINIVS adl. l. *His quoque, quibus per Latium ciuitas patuisset, idem indulgit, omnibusque inter se cognationum iura commisit, simul et pariter et more naturae, quae priores principes a singulis rogari gestiebant, non tam praestandi animo, quam negandi.* Et huius rei reddit rationem, vbi in subsequen- tibus dicit: *indignum credo ei visum ab homine peti, quod dii dedissent.* Summam quoque statuebat, quam relicta in testamenta excedere opus erat, si detrahi debebat vicesima. Satis hoc innuit PLINIVS l. c. verbis: *Statuit enim communis omnium parens summam quae publicanum pati posset.* Quin immo Traianus fun- tum sumtus antea deduci permittebat, probat hoc PLINI- VS c. 40. vbi: *Si ita gratus heres volet, inquit, tota sepulcro, tota funeri seruiet, ita pro seruetur legit CELLARIUS, nemo obseruator, nemo castigator adsistit.* Donabat quoque Traia- nus vecligal, si nondum erat solutum, testatur hoc PLINI- VS d. l. quando dicit: *Additum est, ut qui eius modi ex causis in diem edicti vicesimam deberent, nondum tamen intulissent non inferrent.*

§. XIV.

Adrianus vero perspicuus per Traiani beneficium mul-
tis fraudibus ianuam apertam esse, funebrium sumtuum legi-
timum statuebat modum, l. 37. D. de religiof. et quum iam
ab Adriano, Antonino Pio, Anto-
nino Phi-

*Iosepho,
Caracalla*

ab Augusto tempus esset definitum, intra quod testamenti tabulae essent aperiendae, ne moram pateretur vectigal, PAVLIUS *recept. sentent. L. IIII. t. 6. §. ult.* omnes quoque amputare volebat imperator ambages, et mandabat, ne cuidam liceret contra tabularum aperturam prouocare, *l. 7. D. de appellat. recip.* sanciebaturque, ut heres institutus quam primum in possessionem mitteretur, licet testamentum falsum et inofficiosum diceretur. Diui fratres concedebant obsides qui togae usum acceperant institui posse heredes, modo soluerent vicesimam, *l. 32. D. de iure fisci.* Antoninum Pium hoc vectigal abrogasse allucinator ZONARAS. At, licet hic princeps maxime liberalis et clemens esset, et *de omnibus, de quibus Adrianus consulebat, mitiorem sententiam semper ostendens; IVL. CAPITOLINVS in eius vita c. 3.* immo, *ad indulgentias pronissimus; IDEM l. c. c. 10.* non tamen est verosimile eum tam bonum et reipublicae optime inserviens tributum abrogasse, nam testatur CAPITOL. *adl. l. c. 7.* ipsum eius modi rerum probe gnarum fuisse, verba CAPITOLINI haec sunt: *Rationes omnium prouincialium apprime sciuit et vectigalium.* Deinde ZONARAE fides dubia redditur ex eo, quia sub Marco Antonino Philosopho vicesima adhuc viguit, ut patet ex IVL. CAPITOL. *in eius vita c. 11* ubi verba: *leges etiam addidit de vicesima hereditatum;* leguntur, quum tamen hic princeps perquam liberalis aliquin fuerit, *et hereditates delatas, reddens proximis, aliquando resfuerit;* Ut refert CAPITOLINVS *c. l. c. 7. et tributa vel vectigalia, ubi necessitas cogebat, remisit;* IDEM *c. 23.* Hinc sane ZONARAE testimonium merito in dubium vocatur a BYRMANNO *adl. l.* Magnam hoc vectigal sub Caracalla patiebatur mutationem, hic enim, quum grandem profundisimum largitionibus fisco intulisset eluisionem, ut refert HERODIANVS *L. IIII. c. 7.* decimam loco vicesimae introducebat, quare et hanc Caracallae constitutionem decumariam legem vocat THAEFLAEVS *Βασίλειον L. XXXXV. t. 5. refte* PITHOEO *ad collat. leg. Mosaic. et Roman. T. XVI. §. 8.* Adparet

paret haec imperatoris sanctio ex excerptis a VALESIO vbi
DIO L. LXXVII. dicit : Τῶν τε κλήρων, τῶν τε ἄλλων ἃ καινὰ
προσκατατίθει, καὶ τῶν δέκατης, ἣν ἀντὶ τῆς εἰκοστῆς ὑπὲρ τε
τῶν ἀπελευθερωμένων, καὶ ὑπὲρ τῶν καταλειπομένων τισὶ κλήρων καὶ
δοσιῶν ἐποίησε πάσας, seu vt SALMASIVS de modo usurarum le-
git. καὶ δωρεὰς ἐποίησε πάσης, τὰς τε διαδοχὰς καὶ τὰς ἀτελείας
τὰς ἐπὶ τέττοις, τὰς δεδομένας τοῖς πάνυ προσήκονσι τῶν τελευτώντων
καταλύσας. *Veftigalium aliorum quae noua impofuit et de-
cimam pro vicesima et manumifforum et relictarum quibusdam
bereditatum et donationum conftituit, et omnes fuccelfiones et
immunitates a tributis competentes propinquis defunctorum
et fuccelforibus ab inteflato fuftulit.* Quin immo vt hoc vefti-
gal quam plurimi foluerent, non concedebat folum mutis ac
lurdis teftandi facultatem, l. 7. D. qui teftam. fac. poff. fed fan-
ciebat quoque, vt omnes ἀπέλιδοι, qui in orbe Romano es-
fent, ciues efficerentur, l. 17. D. de ftatu homin. DIO adl. l. ver-
bis : Οὐ ἕνεκα καὶ Ῥωμαῖος πάντας τὲς ἐν τῇ ἀρχῇ αὐτῇ, λόγῳ μὲν
τιμῶν, ἔργῳ δὲ ὅπως πλείω αὐτῇ fic pro αὐτῇ legere malleti, ἐκ
τῶν τοιῦτα προσῇ διὰ τὸ τῆς γένους τὰ πολλὰ αὐτῶν μὴ συντελεῖν
ἀπέδειξεν. Propterea et omnes in imperio ipfius effecit ciues,
nomine, λόγος enim Graecis idem quandoque denotat quod
πρόσχημα, πρόσφασις, ὑπόκρισις, προκάλυμμα, quidem eos hono-
rans, opere, i. e. vere, tamen magis, vt ex hoc ffcum fuum au-
geret, quia peregrini plurima illorum non tribuebant. Peregri-
ni enim nihil ex teftamenti capere poterant, CICERO orat.
pro Archia c. 5. et orat. pro Caecinna c. 35. l. 36. C. Theodof. de
haeretic. l. 6. §. 2. D. de hered. inflit. Sub hoc quoque impe-
ratore συνονύμως iam fumebantur profeffio et census, hinc ad-
paret, cur in pandectis et codice titulis de cenfibus et cenfi-
toribus profeffio et census nomine veniat, antiquis enim tem-
poribus difcrimen erat profeffionem inter et cenfum. In vr-
be Roma habebatur census, in prouinciis fiebat profeffio.
Cognofci hoc poteft e veteri fragmento, quod ex Rumpfiano
codice edidit SALMASIVS de modo usurar. XVIII. vbi verba:
Ἄλλ' ἐν τῇ πόλει Ῥωμαίων μόνοι ἀποτίμησιν ἀγοραὶ δεδίλωται, ἐν δὲ

ταῖς ἐπαρχαῖς μᾶλλον ἀπογραφῇς. Sed in ciuitate Romanorum tantum censum agi declaratum est, in prouinciis autem magis professionibus. Sub eodem Caracalla et non distinguebatur inter fiscum ac aerarium, hic namque imperator ea, quae antea ad aerarium spectabant, fisco tribuebat, *VLPIANVS fragm. tit. 17. §. 2. l. 13. pr. l. 15. §. penult. D. de iure fisci*, praefecti quoque aerarii simul de fisci rebus iudicabant, *IAC. GVTHERIVS adl. l. L. III. c. 32*. Hinc in veteri glossa ταμίον fiscum et aerarium significat, licet tempore Augusti aerarium separatum esset a fisco, pariter ac sub Tiberio, nam *TACITVS annal. L. VI. c. 2. Et bona Srianii, inquit, ablata aerario ut in fiscum cogerentur*; Distinguit quoque *PLINIVS c. l. inter fiscum ac aerarium, nam c. 36. At fortasse, ait, non eadem seueritate fiscum, qua aerarium cobibes*; Hinc et Plinii tempore differentia fuit, quin immo *DIO CASSIVS L. LIII. inter τὸ βασιλικὸν et τὸ ταμίον distinctionem facit*. Hinc nescio quid stomachetur *CHRIST. COLERVS et parerg. c. 28. in EVER. OTTONIS thes. iur. Rom. T. I. p. 379. erroris adulescens Tribonianum, quod differentiam inter fiscum et aerarium non obseruat*. Nam Triboniani aevo haec distinctio iamdudum ab usu recesserat.

§. XV.

Resistantur Hieronymus, Chrysostomus, Salmasius, Casaubonus.

Quae cum ita sint, sub censuram vocari merentur *HERONYMVS* et *CHRYSOSTOMVS* ad *acta apostol. 25.* qui hanc constitutionem Adriano tribuunt. Licet enim hic imperator quasdam personas ciues Romanos effecerat, *PLINIVS in histor. natur. L. III. c. 2. et TACITVS annal. L. XV. c. 32. dicat: Eodem anno Caesar nationes Alpium maritimarum in ius Latii transtulit, quin immo SPARTIANVS in vita Adriani c. 21. loquatur idem, ubi verba: Latium multis ciuitatibus dedit tributa multis remisit*. Non tamen hoc ius omnibus datum est, nam teste *BOETHIO in topic. Cicer II. discrimen inter ciuitatem Romanam ac Latium mansit, de qua differentia conferri potest ALEX. AB ALEXANDRO genial. dier. III. 10. Errat pariter SALMASIVS ad Vopiscum in vita Probi*

c. 14. quando Antoninum Pium auctorem huius beneficii peregrinis concessi venditat. Probare quidem hoc videtur IVSTINIANVS in nov. LXXVIII. c. ult. sed verba: *ad Romanam ingenuitatem*; non intelligenda sunt de iure ciuitatis, sed de iure Latii, et ita quoque explicandus est RVTIIVS NVMATIANVS in itineraio L. 1. vbi de Antonio Pio ita capit:

*Fecisti patriam diuersis gentibus vnā,
Profuit iniustis de dominante, capi.
Dumque offers victis propriis consortia iuris,
Vrbem fecisti quae prius orbis erat.*

Eandem interpretationem admittit locus PRVDENTII in Symmachum L. II. v. 613.

*Distantes regione plagae, diuisaeque Ponto
Littora conueniunt nunc per vadimonia ad vnum
Et commune forum.*

Nam et postea notissimum illud discrimen inter Latinos, Italicos et prouinciales adhuc in vsu fuit, vt patet ex GRVTERI inscript. 408. 1. et REINESII inscript. VI. 129. Nec erroris excusandus est CASAVBONVS ad Spartiani Adrianum c. 21. qui allucinetur, Marcum Antoninum Philosophum hoc priuilegium peregrinis indulsisse; Etsi enim S. AVRELIVS VICTOR in vita huius imperatoris testetur eum *promiscue* ius ciuitatis dedisse, inde tamen non liquet, tō *promiscue* omnes indicare, et licet ARISTIDES RHETOR orat. in Rom. p. 372. dicat: *ἐνὸν δὲ πόλεως, ὅστις ἀργῆς ἢ πίστεως ἄξιος*; peregrinum neminem qui magistratu vel fide dignus; nec tamen quoslibet peregrinos hoc beneficio gauissos esse adparet, praesertim quum tropica haec ARISTIDIS sint verba. Nec quidquam praesidii contrariae opinioni dabit IDEM ARISTIDES l. adl. vbi pergit: *τὸ Ῥωμαίων ἢ πόλεως, ἀλλὰ γένος ὅνεμα κοινὸν τίνος εἶναι*; Romanum non urbis, sed communis cuiusdam generis nomen esse; ARISTIDES enim nihil aliud euincit, quam quod et alii ciuitatis Romanae iura consequi potuerint, et hi deinde commune quasi genus

constituerint. Sed quid opus est pluribus? In promptu habemus LVGDVNENSIVM EPISTOLAM quae, cum sub vltimis huius imperatoris annis scripta sit, sane nostram satis fundabit opinionem. Legi potest haec epistola in EUSEBII *hisor. ecclēs. L. V. c. 1.* Verba eiusdem sunt: Ὅσοι μὲν εἰδὼσαν πολιτείαν Ῥωμαίων ἐσχηκέναι, τῶν ἀπέτεμε τὰς κεφαλὰς, τὰς δὲ λοιπὰς ἐπέμψον εἰς θηρία. *Quicunque docebant se civitatem Romanam habere, hos capitibus truncabant, caeteros vero obiciebant bestiis.* Nec obstat l. 17. D. de statu homin. quia VLPIANVS, si simpliciter Antoninum nominat, semper intelligit Caracallam, quod colligi et potest ex l. 4. §. 5. D. de offic. procons. l. 32. D. de donation. inter vir. et vxor. Plurimi enim imperatorum hoc nomine sunt gauisi, ita enim refert IVL. CAPITOLIN. in vita *Opilii Macrini c. 7.* vbi: Denique versus exstant cuiusdam poetæ, inquit, quibus ostenditur Antonini nomen coepisse a Pio, et paullatim per Antoninos vsque ad sordes vltimas peruenisse. Certissimum ergo est, Antoninum Caracallam verum huius constitutionis esse auctorem. Et haec huius vectigalis fuerunt fata sub Caracalla.

§. XVI.

*Mutatio
huius re-
ligalis
sub Ma-
crino, Va-
lente et
Gratiano,
resutatur
Alciatus.*

Macrinus, teste IVL. CAPITOLINO l. c. c. 13. nefas esse dicens leges videri Commodi et Caracallae; et in annonis tribuendis largissimus; intuitu vicesimae suscipiebat mutationem, ita enim DIO CASSIVS L. LXXXVIII. Τὰ τε περὶ τῆς κλήρου καὶ τὰ περὶ τὰς ἐλευθερίας, καταδείχθента ὑπὸ τῷ Καρκαλλῇ πάντας; Circa hereditates et circa manumissiones constituta a Caracalla tollens. Tantum tamen absit, vt ex hoc DIONIS loco concludamus, Macrinum vicesimam plane abrogasse, vt potius nobis firmiter persuadeamus, DIONEM mutationem tantum narrare, quam Macrinus susceperat. Hinc, nisi ipsi fallimur, recte conicere videtur BYRMANNVS l. c. dum putat Macrinum loco decumae a Caracalla institutae restituisse vicesimam ab Augusto introductam. Nam subsequenter temporibus Illud vectigal adhuc fuit in vsu, sic de Eliogabalo refert LAMPRIDIUS in eius vita c. 12. Sub Valente vicesimam viguisse adparet ex GRV-

TERO *d. l. p. 287. 4.* De Gratiano controuersiam mouet ALCIATVS *dispunct. l. III. c. 6.* qui somniat ab illo imperatore vicefiam esse abrogatam, et ideo ad testimonium AVSONII prouocat. Sed merito erroris adcusatur a BYRMANNO *c. l. et SCHVLTINGIO in iurispr. anteiussin. p. 400.* Audiamus AVSONIVM, vt pessimus interpres eo melius conuincatur. Ita vero AVSONIVS in *gratiarum actione: Vel illud vnum*, ait, cuius modi est, de *condonatis residuis tributorum. Quod tu quam cumulata bonitate fecisti? Quis vnquam imperatorum hoc prouinciis suis aut uberiore indulgentia dedit, aut certiore securitate prospexit, aut prudentia consultiore munivit? Fecerat et Traianus olim: sed partibus retentis non habebat tantam oblectationem concessi debiri portio, quam suberat amaritudo seruati. Et Antoninus indulserat.* Dic ALCIATE: ex quibus verbis tuæ causæ iustitia probetur, nisi perperam te coniecisse, ipsi conicere quæmus? Nihil AVSONIVS *d. l. de vicesima* agit, nec vola neque vestigium huius vectigalis in *adlegatis verbis* deprehenditur, de residuis condonatis tributorum loquitur AVSONIVS.

§. XVII.

Sub Honorio et Theodosio vicesimam adhuc in vfu fuisse conicere licet ex eo, quoniam hi imperatores nouum testandi genus ordinauerint et priuilegio quodam ornaverint, fuit illud testamentum, quod principi vel ad acta publica obferebatur. Somniant quidem VIGLIVS *ad §. 1. l. de testam. ordin. et VINNIVS ad §. 1. l. eod. n. 1.* hoc testandi genus subrogatum fuisse in locum eius, quod olim in calatis factum fuerit comitiis, ast merito refutantur propterea a *supra iam laudato B. FRANC. CAR. CONRADI adl. diff. §. 1. vbi quoque Sphis sequentibus* multos pragmaticorum errores singulari plane eruditione et exquisitis argumentis e fontibus extirpauit. Non negandum est, iam ante hos imperatores orta esse eiusmodi testamenta, vt bene probauit CONRADI *cit. diff.* ast illi imperatores certam huic testamento formam nunc praescribebant in *l. 19. C. de testam.* Tanto autem haec testamenta propter vicesi-

Quid de Honorio et Theodosio statuendum?

cesimam gaudebant privilegio, perspiciebant enim principes, hoc ipso homines incitari magis ad condenda testamenta, si cognoscerent, antiquis illis subtilitatibus se non teneri, dum hoc modo ultimam declarare facilius possent voluntatem. Quanto vero plura fierent testamenta, eo plus lucri accedebat fisco propter vicefimam, nam de successionibus ab intestato, ut supra §. 9. monuimus, nihil soluebatur tributi.

§. XVIII.

*Quando
abrogata
fuerit vi-
cesima?*

Quis autem hoc vectigal sustulerit? quaeritur. PETRVS BVRMANNVS *ad l. l. hanc quaestionem* diffidili modo iudicat esse decidendam, et hoc ipsi non negamus. Vero tamen quam simillimum esse arbitramur, vicefimam vel a Iustiniano vel paulo ante eum fuisse abrogatam, et quod prius attinet consentiunt nobiscum CUIACIUS *ad l. 17. D. de V. S. SCIP. GENTILIS de iure aderescendi c. 1. et BVRMANNVS d. l.* Et haec coniectura facili modo erit probanda. Si vastum, ut dicimus, corpus iuris euoluimus, inuenimus IVSTINVM in *l. 23. C. de testam.* loqui de hoc vectigali. Quid enim verba: *neue in hereditate, cuius summa centum aureorum pretium non excedit, mercedis quidquam aut sumtuum censum administrantes aut censualis adparitio su, et intimandis iisdem elogiis audeant adsequi, firma nunc quoque dicimus;* Quid haec verba aliud innunt, quam quod censum administrantibus mandare voluerit imperator, ne de parua et exili hereditate, quae summa centum aureorum non maior, vicefimam detrahant? Hinc colligi potest, sub Iustino eam adhuc in usu fuisse, lata vero est *d. l. A. C. 524.* IVSTINIANVS vero in *l. ult. C. de edito diu. Adriani toll.* manifeste fatetur vicefimam abolitam esse, quae lex data est *A. C. 531.* Porro IDEM IMPERATOR in *l. 34. C. de donat.* lata *A. C. 529.* ut adparet ex *l. 3. C. de infantib. expos.* dicit donationem, quae trecentorum aureorum pretium non excedat, insinuatione non indigere. In *l. 36. §. 3. C. de donat.* vero determinat imperator summam quingentorum aureorum, si donatio non insinuari debeat. Quum autem *d. l.* constituta sit

fit A. C. 531. indicium datur et verosimile abrogatae vicefimae argumentum. Quae quum ita sint, coniiicimus, hoc vectigal ab vsu recessisse post annum a Christo nato 524. ante annum tamen 531. adeoque et ante factam a Triboniano et collegis iuris compilationem, quia in institutionibus vicefimae nulla fit mentio. Verum autem temporis punctum in tanta antiquitatum obscuritate vix ac ne vix quidem poterit determinari.

§. XIX.

Curam huius vectigalis habuisse, cognoscimus, procuratores vicefimae hereditatum et promagistros vicefimae hereditatum, quorum mentionem facit GRVTERVS p. 437. 7. p. 426. *Quinam praepositi fuerint vicefimae?* 5. et p. 454. 8. Dicebantur et vicefimarii, REINESIVS XIII. 43. Procuratores vocabantur et procuratores caesaris, l. 13. D. de transact. GRVTERVS p. 59. 11. Quandoque tamen et specialem constitutum fuisse huius vectigalis procuratorem, patet ex l. 32. D. de iure fisci, REINESII inscript. VI. 57. et 123. GRVTERO p. 286. 4. p. 359. 3. et p. 389. ac VRSINO de famil. Roman. in gente Petronia. Munus autem primis temporibus magna cum dignitate coniunctum fuisse vel ex eo coniiicere licet, quia et illustres viri eo sunt functi, confer. GRVTERVS p. 286. 4. et REINESIVS VI. 123. postea tamen et vilioribus e. g. liberis illud officium traditum fuisse adparet ex GRVTERO p. 59. 10. et 11. et REINESIO comment. ad inscript. XIII. 162. Huic procuratori subiectus erat alius, qui adpellabatur subprocurator vicefimae hereditatum, videat. GRVTERVS p. 591. 1. Inueniuntur et rationales hereditatum, vt patet ex EODEM p. 589. 7. confer. BURMANNVS l. c.

§. XX.

Ex antiquis ICris commentati sunt ad hanc vicefimam C. Aulus Otilius aequalis Augusti l. 2. §. 44. D. de O. I. et Aemilius Macer sub Alexandro Seuero clarus qui duos libros *Scriptores de vice-* *de vice-* *finis.* *finis.* conscripsit. E recentioribus ICris ad hanc vicefimam scripserunt IAC. CUIACIVS obseru. L. V. o. 16. et L. XI. o. 24. SALMASIVS de modo vsurarum c. 19. FRID. SCHRAGIVS et 10.

PHIL. SIEVOGT *peculiaribus dissertationibus, de vicesima hereditatum.* Et qui palmam praeripuit omnibus primusque esset nominandus PETRVS BURMANNVS *de vectigalibus populi Romani c. 11.*

§. XXI.

Demonstratur, ob vicesimam hanc transactionem fuisse prohibitam.

Haec ergo sunt, quae ex antiquitatibus praemonenda esse duximus. Veniam eo facilius impetraturos esse speramus, quo maiori cominodo et breviori labore thema probandum nunc poterit demonstrari. Putamus ergo, transactionem de controuersis testamenti nondum inspectis eiusdem tabulis illicitam fuisse propter vicesimam, quia hac ratione tot tantisque fraudibus intuitu huius vectigalis ianuam praecludi voluerint Romani. Et, profecto, multae in promptu sunt leges, quae hoc satis euincunt. Coniicere id licet ex eo, quod sanctio quae de vicesima egit et aperturam tabularum testamenti ordinauit, vti adparet ex PAULI *receptar. sentent. L. III. t. 6.* Deinde, quoniam in *l. 13. D. de transact.* dicitur nulli procuratori principis transigere licere, quum autem *d. l.* sumta sit ex AEMILII MACRI *L. I. ad L. vicesimariam hereditatum*, patebit etiam hoc procuratori propter vicesimam fuisse interdictum. Eadem et habet VLPIANVS in *l. 1. §. 1. D. de offic. procurat.* vbi verba: *Si venditionis vel donationis vel transactionis causa quid agat, procurator scilicet, nihil agit; non enim alienare ei rem caesaris, sed diligenter gerere commissum est.* Non leue pariter argumentum praebet MARCIANVS in *l. 114. §. 14. D. de legat. l.* quando dicit, alienationem a testatore prohibitam fisco ex constitutione Antonini et Seueri non fraudi esse debere, hoc est, nullam patiendam esse fraudem, quae accidere posset, si testator alienationem rerum in testamento relictarum vetuerit, ut hoc modo immunitas a vicesima obtineatur, *confer. CUIACIUS observ. L. V. obs. 16. et L. VIII. obs. 24.* vbi simul refutatur RAEVARDVS *Varior. L. III. c. 16.* qui allucinatur hanc prohibitionem peruinisse ad vicesimam quamdam, quam de venalibus rebus solutam fuisse fingit. Praesidium quoque nobis datur in *l. 2. C. de transact.* ex qua adparet, hanc hereditatis vicesimam dare

dare debuiffe fratrem qui cum sorore transegerat, et hac ratione vectigal subterfugere voluerat. Monebunt quidem dissentientes, *d. l.* potius contra nos facere, quia doceat, transactionem valuisse. Expendant tamen aduersarii, transactionem istam non ante, sed post iam inspectas tabulas valuisse. Tenorem testamenti iam cognouerat frater, adeoque certa erat hereditas, transigebat vero de lite, quae circa valorem testamenti inter ipsum et sororem oriebatur, nunc vero, quia integram de hereditate soluerat vicesimam, a sorore exigebat portionis solutae ratam et hoc ipsi in *d. l.* denegatur, quoniam per transactionem consensisse videbatur in solutionem totius summae, quam vectigal accipiebat, *CVIACIVS Obseru. L. VIII. obs. 24.* Et hinc non opus est *cir. l.* emendatione quam suscepit cum *FREDERODIO MARQV. FREHERVS l. adl. L. l. c. 15.* vbi, pro *fisco* legere vult *illico*. Ob fauorem etiam huius vectigalis non valebat transactio, quae de fideicommissio facta erat, si postea codicilli reperiiebantur, *l. 3. §. 1. D. de transact.* licet transactio alias, ob instrumenta nouiter reperta non rescinderetur, *l. 78. §. ult. ad SCrum Trebell.*

§. XXII.

Tam prouidi autem hac in re erant imperatores, vt omnem amputarent occasionem, qua fraus fieri poterat vicesimae, hinc centus magistro, sub cuius inspectione erant censuales, i. e. *Uterius demon-*
qui censuali fungebantur officio, *l. 18. C. de testam.* quod munus descripsit *GUIDO PANCIROLLVS in not. imper. L. II. c. 10.* et in *thes. var. lection. L. II. c. 151.* et *IAC. GVTHERIVS l. c. L. III. c. 9.* iniungebant, vt coram eo testamenta in vrbē facta non infinuarentur solum, *l. 18. C. de testam.* sed aperirentur quoque *l. 4. C. Theodos. et l. 23. C. Iustin. eod. PAVLIVS recept. sentent. L. III. l. 4. §. 2. et l. 6. §. 2.* poenam vero contra facientibus quinquaginta librarum auri indicebant, et praecipue clericis hoc in terdicebat *IUSTINVS in l. 23. C. de testam. opprobrium eis esse existimans, si perisos se velint disceptationum esse forensium*; Clerici enim iam tum temporis civilia negotia ad se luporum instar rapiebant, vt adparet ex *l. 41. C. de episc. et cler.* Haec omnia ita

erant ordinata, vt eo melius de bonis translatis cito constaret, in vrbe enim censum administrabant census magister et censuales, in prouinciis rectores illarum, in municipiis duumviri et susceptores, *confer. B. FRANC. CAR. CONRADI adl. diff. §. 12.* Ex hac ergo ratione antiquo iure prohibita erat transactio de controuersis ex vltimis voluntatibus, nondum inspectis tabulis testamenti, et ita intelligi potest *l. 6. D. de transact. et l. 1. §. 1. D. testam. quemadm. aper.* Vtraque enim lex desumpta est ex *GAII libro XVII. ad edictum provinciale*, vt adpareret ex *ANTONII AVGVSTINI tract. de nominibus propriis τῶ παυδέντος Florentini c. 1.* in *EVER. OTTONIS thes. iur. Rom. T. I. p. 105. sq.* Vixit autem *GAIVS*, vt vult *IO. BERTRANDVS de βίοις νομικῶν L. I. sub Adriano*, cui tamen contradicit *GVIL. GROTIVS de vitis Ictorum L. II. c. 7.* qui putat *GAIVM* vixisse Diui Pii tempore. Vixit adcoque *GAIVS* eo aeuo, quo vicesima adhuc in vsu erat, vbi eius modi transactio non valebat, quia iuri publico priuatorum per pacta derogari non poterat, ius vero publicum iniungebat, aperiri quam primum testamenta, *PAVLLVS receptar. sentent. L. III. c. 6. ult.* et soluere vectigal, nihilque in huius fraudem suscipere. Quare *IDEM PAVLLVS* in *l. 5. D. testam. quemadm. aper.* dicit: *publice expedit, suprema hominum iudicia exitum habere.* Quae si accurate hoc modo interpretari velimus, non inepta videri queunt aliis, qui *Paullum* propterea rident. *VLPIANVS* pariter in *l. 1. pr. Si quis omissa causa testam. calliditati eorum occurrendum esse censet, qui omissa causa testamenti ab intestato succedere velint.* Innuere mihi videtur *VLPIANVS* in *d. l.* eos non audiendos esse, qui quidquam in fisci fraudem suscipere et omisso testamento ab intestato succedere velint. Hinc quoque nulla admittebatur prouocatio contra aperturam tabularum *l. ult. D. de adpellat.* et *GAIVS* in *l. 1. pr. testam. quemadm. aper.* dicit omnibus desiderantibus aperiendas esse tabulas. Quare nescimus, quid somniet *ACCVRSVS* qui putat validam esse huius modi transactionem, si partes tabularum inspectioni renuntiauerint? Rectius omnino illam renuntiationem *BARTOLVS* et *IASON* iudicant illicitam.

Iure

Iure quoque et merito sub censuram vocatur GVTIEREZ qui hanc transactionem iureiurando confirmari posse allucinatur, *confer* BACHOVIVS in *regt. ad tit. de transact.*

§. XXIII.

Quae cum ita sint, grauitur fallere existimamus eos, qui *Refuta-* autumant l. 6. D. de transact. et l. 1. § 1. D. testam. quemadm. a- *tur Ger.* per. non leges esse, sed consilia tantum suppeditare. Non mi- *Noodt et* rariur, vnum alterum in hac re esse sequutum, nam, vt

Quo semel est imbuta recens seruat odorem

Testa diu,

ita et magni nominis ICti falsam amplexi sunt opinionem. Mi-
ramur vero GER. NOODT ICtum, qui alias

veri speciem dignoscere calles,

Ne qua sub aerato mendosum tinniat auro,

nilominus in tract. de pactis et transact. c. 18. cum ANTON. FABRO rational. censeat, GAIUM in adl. legib: loqui tantum de facto, non de iure, hoc est, GAIUM consilium tantum dare voluisse, quod eo tendat, ne quis prius transigat de eius modi controuerhiis, quam tabulae testamenti fuerint apertae, quia alias facili modo decipi queat. Dic, bone NOODT, vnde tibi haec venerit coniectura. Quid clarius GAII verbis? Tò potest te forsan tenet ancipitem? Nescisne tò potest saepe numero idem in legibus innuere ac tò debet? Euoluas l. 2 pr. D. de reg. iur. inspicias l. vlt. D. cod. et perspicies tò potest idem significare ac tò debet. Sed mittamus hanc tuam sententiam,

Vbi enim plura nitent in carmine, non ego paucis

Offendar maculis, quas aut incuria fudit,

Aut humana parum cavit natura.

HORATIVVS de arte poetica v. 351. sqq.

§. XXIII.

Alius se silet interpres, hic

veniet de plebe togata,

Qui iuris nodos et legum aenigmata soluet.

E 2

Jac. Frid.
Ludovici

sed

sed dum vitium vitauit in contraria cucurrit, est hic IAC. FRID. LVDOVICI antiquitatibus leuiter tinctus Ictus, statuit iste *in doct. pandect. L. II. t. 15. §. 6.* inuolidam esse transactionem, sed floeci nauicque aestumandam profert rationem, somniat nempe, illam transactionem valore destitui, quia res statim per tabularum aperturam certa fieri queat. Iocum hanc rationem habere mallet, vt parcatur viro. Quae enim, qualis, quantaque foret haec ratiocinatio: quaecunque res dubia certa fieri potest, de ea non licet transigere? Nonne hoc modo nulla valeret transactio? Nonne omnis lis certum tandem per rem iudicatam nanciscitur effectum? Nonne sufficit ad transactionem metus litis imminuentis? Nonne et tabulae testamenti, licet sint apertae, multis obnoxiae sunt controuersus? Nonne melius est, si suspicio quoque litis remouetur, quam si causam illis tradimus, qui heri aut nudius tertius jurisprudentiam edocti anserum more garriunt et canina verba solent latrare? Audiamus ANIMIAN. MARCELLINVM L. XXX. c. 4. ubi istius modi homunciones describit, quando dicit: *Etsi voluntate matrem tuam finxeris occidisse, multas tibi suffragantes lectiones reconditas pollicentur, si te nummatum senserint.* Nonne ergo prudentius est si transactionem inimus, licet summum ius pro nostra causa pugnare videatur? Quid ergo de tua, infeste LVDOVICI, opinione erit sentiendum? Erit

titulo res digna sepulcri.

Ratiocinaris, vt pessime te argumentatum esse, ratiocinari ipsi possumus, misericordiam potius mereris quam refutationem, praefertim, quum viuamus saeculo, quo, profecto, ingenia doctorum plus valent, quam bonae leges et

quod medicorum est

Promittant medici, traſcent fabrilis fabri.

Nurtium quoque mittere non dubitamus CUIACIO, qui ad l. 1. et 6. D. de transact. hanc prohibitionem ad iudicalem tantum restringit transactionem. Nihil certius, quam inuolidam olim fuisse hanc transactionem, et nihil certius quam veram, eui-

euentem et adaequatam huius rei rationem fuisse vicefimam hereditatum.

§. XXV.

Quum vero, vt supra §. 18. demonstrauius, hoc vectigal esset abrogatum, cessabat insimul valor legum, quae transactionem illam prohibuerant, permittebatur vtique istius modi transactio. Quod si enim *l. ult. C. de reb. credit.* euoluamus, patebit, validam fuisse hanc transactionem. Monebunt quidem aduersarii, nihil in *adl. l. dici* de transactione, sed de iureiurando, quo quis adseuerarat, sibi legatum vel fideicommissum esse relictum. Non negamus IUSTINIANVM de iureiurando loqui, hoc tamen virgemus, transactionem simul adfuisse. Nam iusiurandum quod legatum accipiens praestiterat erat eius modi, quod vocamus voluntarium, quod scilicet pars parti extra iudicium per modum conuentionis desert, *l. 17. pr. l. 25. et l. 26. §. ult. D. de iureiur.* Et hoc iusiurandum species transactionis est, *l. 2 D. eod.* Hinc facile colligi potest, transactionem in *adl. l. ult. C. de reb. cred.* contineri. Alii vero aderunt, qui a nobis dissentiant, et negent validam in *d. l. dici* transactionem. Concedimus illis, valorem huic transactioni denegari, sed alia huius rei praesto erat ratio, dolus nempe, quem iurans commiserat, dolo enim persuaserat alteri, sibi relictum esse legatum, hic alter nihil fraudis timens ductusque persuasione consenserat in iusiurandi praestationem. Nunc quaestio se obferebat: An standum sit transactioni? IUSTINIANVS iure meritoque hoc denegat. Dolus enim quum nemini patrocinari deberet, multo minus periurium committenti commodo esse poterat. Nos quidem non fugit, multas a proletaria pragmaticorum turba proferri leges, quibus probare contenditur, causam iureiurando decisam nullo modo esse retractandam: Omnes tamen leges subintelligunt iusiurandum verum, non dolo praestitum. Quin immo, vero non est simile, quod periuris quidquam lucri ex periurio concefferint Romani, qui tamen crediderint, periurium tantum esse crimen, vt ne a hominibus quidem satis puniri queat, hinc inde diis solum vltoribus reliquerint, *TACIT. annal. L. I. c.*

*Probat, transacti-
onem il-
lam hodie
valere*

73. IVSTIN. L. XIII. c. 4. CICERO de I. L. L. II. c. 9. ISOCRATES orat. advers. Callimachum sub initio. Et sane, res ipsa loquitur, natura iurisiurandi huius nostram fundat opinionem. Defertur enim hocce iusiurandum per modum conventionis, qua pars alteram in sua causa constituit bona fide iudicem, l. 1. §. ult. ad SCtum Trebell. bona fide, quae omnem excludit dolum, hinc illam *ἐν ἀρχῇ συμβιβαστικὴν* vocat IVSTINIANVS. Quem vero fugit quoduis negotium per dolum infirmari? Manifeste haec probantur l. 1. §. 2. l. 3. et l. 7. §. 3. D. de dolo malo, qui enim alterius ductus dolo transegit, non tam pacisci quam decipi videtur l. 9. §. 2. D. de transact. quare et infirma pronuntiatur transactio, quae secundum falsa instrumenta est iuta, l. 19. C. eod. et quis ignorat per dolum impediri consensum? Recte ergo imperator in adl. l. ult. C. de reb. cred. dicit: *precianti nullum ex huiusmodi periurio lucrum accedere debere*; et paullo post: *impium sibi lucrum adferre, legibus non concedi*; Sed latius de hac re legi merentur quae habet illustris GODOFR. LUDOV. MENCKEN in diss. de causa ob praestitum iuramentum iudiciale decisa probato periurio redintegranda, ubi quoque pro more, id est docte et eleganter d. l. ult. C. de reb. cred. est interpretatus. Quae cum ita sint, adparet in adl. l. invalidam pronuntiari transactionem istam, quia dolo et ex falsis instrumentis facta, patebit vero infimul ex adverso, firmam esse transactionem de controversiis testamenti, licet nondum inspectae sint eiusdem tabulae, modo dolus concurrat nullus.

§. XXVI.

Explican-
tur l. 12. D.
de trans-
act. l. 3. §.
1. D. eod.

Cognovimus quidem, a quibusdam doctoribus pro stabi-
liendo valore huius transactionis adlegari quoque l. 12. D. de
transact. Ast parum inde acciperemus solatii. CELSVS enim in
d. l. loquitur de transactione quae inita erat cognitis iam tabu-
lis testamenti, et hanc validam esse dicit. Eodem et redit l. 3. §.
1. D. eod. ubi SCAEVOLA sermonem facit de transactione perspe-
ctis iam ultimae voluntatis verbis. Litem nobis mouere pos-
sent adversarii et dicere, transactionem aperto iam et cognito
testamento non valere potuisse, quoniam hac ratione obic-
tum

etum transactionis res certa fuerit, quam tamen huius negotii natura respuere soleret, *l. 1. D. de transact.* Speciem hoc argumentum prae se ferret, non tamen per illud nostra opinio conuassata redderetur. Si enim tabulae testamenti aperta sunt, certum quidem est, ultimam adesse voluntatem, sed ipse valor testamenti indubitato nondum gaudebit effectu, stilus testatoris supremus variis modis reddi poterit inuálidus, haec ergo perspicuus heres prudenter bene et laudabiliter agit, si cum iis, qui litem ipsi mouere volunt transigit, et hac ratione transactio apertis tabulis testamenti cognitisque iam earumdem verbis caeteris paribus valida erit ac licita.

§. XXVII.

Novi tamen dubii ansam praebere posset compilatio iuris Iustinianei, quum enim ipsi finis confecti, quod ante compilationem illam vicesima abolita fuerit, quin immo Iustinianus nullam in institutionibus huius vclligalis fecerit mentionem, necessario quoque omittere debuisset leges illas, quae transactionem hanc prohibuerint, hinc argumentari possent aduersarii, illam transactionem non valere. Omittere omnino debuisset imperator leges illas, quae istam transactionem inuálidam pronuntiant, inde tamen non statim ratiocinari possumus, nec hodie licitam esse eius modi transactionem. Parum enim nosset quis hoc Tribonianum et collegarum opus, si crederet, nullos plane ipsos commisisse naeuos. Naeus autem hic adest manifestus, dum *G A I I* verba in digesta translata sunt, cum tamen in *l. ult. C. de reb. cred.* contrarium plane doceatur. Hinc argumentamur, autantinomiam statuendam esse, aut censendum esse, Iustinianum illam transactionem propter abrogationem vicesimae validam pronuntiasse.

§. XXVIII.

Eosdem pariter naeuos admiserunt libri βασιλικῶν ubi *L. βασιλικῶν XXXI. l. 6.* verba: Ἐκαστος βυλόμενος εὐχέρειαν λαμβάνει θεωρήσαι καὶ μεταγράψασθαι δικαίω ἐνέματι καὶ ἀλλοτρίῳ τὴν διαθήκην. χωρὶς γὰρ τῆ περὶ ἐνεχθῆναι αὐτὴν, ἢ τε ἔξω δικαστηρίου διαλέξασθαι περὶ τῶν ἐν αὐτῇ, ἢ τε ἐν δικαστηρίῳ ζητεῖσθαι ἀληθεὶς δύναται. *Vnusquisque vo-*
lens

lens accipit inscribendi et describendi proprio nomine ac alieno potestatem. Nam absque prolato hoc neque extra iudicium transigi de his illius, nec in iudicio exquiri veritas potest. Sed si modo inscriptionem attendamus, patebit hunc βασιλικὸν locum sumtum esse ex GAIO cuius verba in l. 6. D. de transact. et in l. 1. §. 1 D. testam. quemadmodum aper. deprehenduntur. Quum vero, ut supra demonstrauimus, propter vicesimam illa transactio illicita fuerit insimul adparebunt naui βασιλικῶν. Hinc, licet tempore horum compilationis eius modi transactio non valuerit, non tamen inde patebit, nec hodie eam valore destitui. Nos enim libri βασιλικῶν non obligant, sed ad illustrationem tantum faciunt, qua vero huius rei intuitu non opus habemus, quia iam probatum dedimus, vicesimam istius prohibitionis fuisse rationem, qua abolita et abrogatam esse oportet prohibitionem, quia cessante legis ratione et eius dispositio non obligare poterit, ut proverbio alias dicimus tritissimo.

§. XXVIII.

Consensus
quorundam
dorum.

Ita ergo demonstratum fuit, transactionem de controuersis ex vltimis voluntatibus proficiscentibus nondum inspectis testamenti tabulis prohibitam olim fuisse, redditaque est huius sententiae ratio, probatum quoque satis esse censemus, validam iudicandam hodie esse illius modi transactionem, licet vltima voluntas neque aperta fuerit nec cognita sint eiusdem contenta. Cognouimus etiam alios ICTOS hoc aeuo eiusmodi transactionem non inualidam vendidisse. Ita ab ICTO huius seculi eximio Illustri IO. GE. PERTSCH, auunculo et patrono, cui plus debemus, quam patri filius, percepimus, secundum hanc sententiam breui abhinc tempore respondisse illustrem ICTorum ordinem almae nostrae academiae Iuliae Carolinae. Perspeximus pariter ex Illustris CHRIST. LVDOV. CRELIJ adl. diff. §. 7. ICTos Vitembergeneses validam hanc transactionem habuisse, eorum vero Vitembergensium rationes, id quod tamen pace tantorum virorum dictum esse velimus, non admodum firmas possumus iudicare.



Ad 11474 733



